

## 76,632 pasang selipar dirampas



Ravichandran (tengah) menunjukkan selipar yang dirampas dalam serbuan di dua kilang di Batu Gajah pada sidang akhbar semalam.

IPOH - Kementerian Perdagangan Dalam Negeri dan Hal Ehwal Pengguna (KPDNHEP) Perak merampas 76,632 pasang selipar berjenama tiruan bernilai RM613,056 dalam serbuan di dua kilang di Kawasan Perindustrian Pengkalan 2, Pusing, Batu Gajah dekat sini kelmarin.

Ketua Pegawai Penguatkuasa KPDNHEP Perak, V Ravichandran berkata, operasi selama 20 jam yang bermula jam 10 pagi kelmarin itu menemui barangan

jenama Comfort dan Goco Comfort disyaki tiruan.

"Siasatan lanjut mendapati kedua-dua premis terbabit dimiliki oleh seorang lelaki berusia 40-an dan dia ditahan bagi membantu siasatan.

"Premis yang telah beroperasi sejak 2015 itu didapati membekalkan selipar itu untuk pasaran tempatan serta diekspor ke Indonesia dan Thailand," katanya pada sidang akhbar di stor barangan rampasan KPDNHEP di sini semalam.